



Reykjavík, 29.01.2021
Tilv. 2020/0864 - 0.3.01
ÞAÁ

Efni: Umsögn um drög að frumvarpi til laga um breytingu á lögum nr. 87/2018, um rafrettur og áfyllingar fyrir rafrettur (nikótínvörur)

Vísað er til draga að frumvarpi til laga um breytingu á lögum nr. 87/2018, um rafrettur og áfyllingar fyrir rafrettur (nikótínvörur), eins og þau voru birt í Samráðsgátt þann 22. desember sl. Neytendastofa óskar eftir að koma að eftirfarandi umsögn við frumvarpið.

Í upphafi vill Neytendastofa fagna því að gripið sé til aðgerða í formi lagabreytingar vegna nikótínvara á markaði sem hafa verið undanskildar í gildandi löggjöf. Þá vill stofnunin einnig fagna því að henni sé falið eftirlit með banni á auglýsingum á nikótínvörum og rafrettum auk Fjölmíðlanefndar enda hefur reynslan verið suð að auglýsingar á þeim vörum eiga sér stað utan hefðbundinna fjölmíðla og þar með utan valdsviðs Fjölmíðlanefndar. Stofnanirnar hafa átt gott samstarf á þeim sviðum þar sem eftirlit þeirra skarast og er samstarfssamningur í vinnslu til þess að tryggja enn frekar samstarf og samlegð í eftirliti stofnananna.

Markmið laganna

Í 1. gr. frumvarpsins er lagt til að orðinu nikótínvörur sé bætt inní 1. gr. laga nr. 87/2018 þar sem vísað er til rafrettna. Þar sem fjallað er um gæði og öryggi rafrettna og áfyllinga fyrir rafrettur á markaði hefur orðinu þó ekki verið bætt inní ákvæðið. Neytendastofa leggur til að það verði gert svo ekki sé vafí á því að ákvæði laganna um gæði og öryggi eigi einnig við um nikótínvörur. Ákvæðið yrði þá svohljóðandi:

*„Markmið laga þessara er að veita heimildir til innflutnings, sölu, markaðssetningar og notkunar nikótínvara, rafrettna og tryggja gæði og öryggi **nikótínvara**, rafrettna og áfyllinga fyrir rafrettur á markaði og tryggja með tiltækum ráðstöfunum að börn geti ekki keypt nikótínvörur og rafrettur.“*

Eftirlit með auglýsingabanni

Í c. lið 10. gr. frumvarpsins er lagt til að bætt verið inn þremur nýjum málsliðum á eftir 2. málsl. 1. mgr. 11. gr. laganna þar sem Neytendastofu verður falið eftirlit með auglýsingabanni rafretta og nikótínvara. Þar sem í ákvæðinu segir: „Um málsmeðferð Neytendastofu, úrræði og viðurlög vegna brota gegn grein þessari og um kærurétt [...]“ telur Neytendastofa fara betur á að vísa til „málsgrein þessari“ í stað „grein þessari“ enda mun ákvæðið eingöngu taka til 1. mgr. 11. gr. laga nr. 87/2018 en ekki 2. mgr. hennar.


Markaðseftirlit með rafrettum og nikótínvörum

Neytendastofa telur þörf á að með frumvarpinu verði skerpt á því að eftirlitshlutverk og valdheimildir stofnunarinnar, að því er markaðseftirlit með rafrettum og nikótínvörum varðar skv. 13. gr. laga nr. 87/2018, fylgi V. kafla laga um öryggi vöru og opinbera markaðsgæslu nr. 134/1995. Þannig leggur stofnunin til að eftirfarandi verði bætt við á eftir 1. másl. 13. gr.:

„Að öðru leyti en mælt er fyrir um i kafla þessum fer um markaðseftirlit Neytendastofu samkvæmt V. kafla laga um öryggi vöru og opinbera markaðsgæslu.“

Að lokum vill Neytendastofa benda á að líkt og fram kemur í athugasemdum með frumvarpinu er um nýtt verkefni að ræða hjá stofnuninni þar sem hún hefur ekki áður haft eftirlit með umræddri vöru. Með lögum nr. 57/2018 var stofnuninni falið eftirlit með rafrettum og áfyllingum fyrir þær og með því verkefni fylgdi 0,75 stöðugildi. Með þessu nýja verkefni telur Neytendastofa nauðsynlegt að það verði aukið í heilt stöðugildi þar sem fyrirsjáanlegt er að umfang eftirlits muni aukast þrátt fyrir að um samlegðaráhrif sé að ræða.

Virðingarfyllst
f.h. Neytendastofu


Pórunn Anna Árnadóttir


Guðrún Lárusdóttir